

## PRIJEDLOG

Na osnovu člana 37. stav 1. tačka g) Ustava Zeničko-dobojskog kantona i člana 27. a u vezi sa članovima 35. i 38. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15 i 91/15) Skupština Zeničko-dobojskog kantona na \_\_\_\_\_ sjednici, održanoj \_\_\_\_\_ 2015. godine, donijela je

### O D L U K U

**o davanju saglasnosti na Odluku o privremenom finansiranju Zavoda zdravstvenog osiguranja Zeničko-dobojskog kantona za period 01.01.do 31.03.2016.godine**

#### Član 1.

##### (Predmet)

Daje se saglasnost na Odluku o privremenom finansiranju Zavoda zdravstvenog osiguranja Zeničko-dobojskog kantona za period 01.01. do 31.03.2016.godine.

#### Član 1.

##### (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2016. godine.č

Broj: \_\_\_\_\_/15.  
Datum, \_\_\_\_\_ 2015.godine.  
Z e n i c a.

PREDSJEDAVAJUĆA

Draženka Subašić

## **O B R A Z L O Ž E N J E**

### **PRAVNI OSNOV**

Pravni osnov za donošenje Odluke o privremenom finansiranju iz obaveznog zdravstvenog osiguranja u Zeničko-dobojskom kantonu za period 01.01. do 31.03.2015. godine sadržan je u članu 103. Zakona o zdravstvenom osiguranju ("Službene novine F BiH" broj: 30/97, 7/02, 70/08 i 48/11) i članu 45. Statuta Zavoda zdravstvenog osiguranja Zeničko-dobojskog kantona, kojim je utvrđena nadležnost Upravnog odbora da donosi Finansijski plan, članu 35. stav 1. Zakona o budžetima u FBiH ("Službene novine F BiH" broj: 102/13, 9/14, 13/14, 8/15 i 91/15) kojim je utvrđeno da ako Skupština ne da saglasnost na Finansijski plan prije početka fiskalne godine, finansiranje se obavlja privremeno, a najduže za prva tri mjeseca fiskalne godine i u članu 38. Zakona o budžetima kojim je utvrđeno da se odredbe istog Zakona shodno primjenjuju kod izrade i donošenja budžeta kantona, gradova i finansijskih planova njihovih izvanbudžetskih fondova.

### **OBRAZLOŽENJE ODLUKE O PRIVREMENOM FINANSIRANJU**

Članom 35. stav 1. Zakona o budžetima u Federaciji BiH je utvrđeno da ako Skupština ne donese Budžet prije početka fiskalne godine, finansiranje se obavlja privremeno, a najduže za prva 3 mjeseca fiskalne godine.

U skladu sa članom 38. Zakona o budžetima, odredbe navedenog člana se primjenjuju kod izrade i donošenja finansijskih planova za izvanbudžetske fondove.

Odlukom Upravnog odbora Zavoda broj: 01-100-26-349/15 od 21.10.2015. godine usvojen je prijedlog Finansijskog plana Zavoda za 2016. godinu.

Isti prijedlog Finansijskog plana je dana 27.10.2015. godine proslijeđen Ministarstvu zdravstva Zeničko-dobojskog kantona.

Vlada Zeničko-dobojskog kantona do 21.12.2015. godine nije razmatrala i dala saglasnost na Finansijski plan Zavoda za 2016. godinu.

Obzirom da Skupština Zeničko-dobojskog kantona nije dala saglasnost na Finansijski plan Zavoda za 2016. godinu prije početka fiskalne godine članom 35. stav 3. Zakona o budžetima u Federaciji BiH utvrđeno je da se privremeno finansiranje obavlja srazmjerno sredstvima utrošenim u istom periodu, odnosno najviše do tromjesečnog prosjeka za prethodnu fiskalnu godinu. Sredstvima utvrđenim za privremeno finansiranje u navedenom periodu neće se finansirati i uvoditi novi programi i aktivnosti iz djelatnosti Zavoda zdravstvenog osiguranja Zeničko-dobojskog kantona, niti vršiti prijem novih zaposlenika.

U cilju obezbjeđenja neometanog korištenja prava iz obaveznog zdravstvenog osiguranja osiguranim licima sa područja Zeničko-dobojskog kantona, kao i stvaranje uslova za neometano funkcionisanje ustanova kod kojih osigurana lica ostvaruju svoja prava, predlaže se donošenje Odluke o davanju saglasnosti na Odluku o privremenom finansiranju iz obaveznog zdravstvenog osiguranja u Zeničko-dobojskom kantonu za period 01.01. do 31.03.2016. godine.

Na osnovu člana 27. i 35. Zakona o budžetima u Federaciji Bosne i Hercegovine ("Službene novine Federacije BiH", broj: 102/13, 9/14, 13/14, 8/15 i 91/15), člana 82. i 103. Zakona o zdravstvenom osiguranju ("Službene novine Federacije BiH", broj: 30/97, 07/02, 70/08 i 48/11) i člana 45. Statuta Zavoda zdravstvenog osiguranja Zeničko-dobojskog kantona na 28 sjednici održanoj 22.12. 2015. godine donosi:

**ODLUKU**  
**o privremenom finansiranju**  
**Zavoda zdravstvenog osiguranja Zeničko-dobojskog kantona**  
**za period 01.01. do 31.03.2016. godine**

Član 1.

Ovom odlukom utvrđuje se privremeno finansiranje djelatnosti Zavoda zdravstvenog osiguranja Zeničko-dobojskog kantona za period od 01.01.2016. do usvajanja Finansijskog plana za 2016. godinu na Skupštini Zeničko-dobojskog kantona, a najduže do 31.03.2016. godine.

Član 2.

Privremeno finansiranje iz člana 1. ove Odluke utvrđuje se u iznosu od 38.461.916,75 KM (slovima: tridesetosam miliona četrstošesdesetjedna hiljada devetstinašesnaest KM i sedamdesetpet pf) i to :

PRIHODI	38.461.916,75 KM
<u>RASHODI I KAPITALNI IZDACI</u>	<u>38.461.916,75 KM.</u>

Član 3.

Visina sredstava za privremeno finansiranje u periodu od 01.01. do 31.03.2016. godine utvrđenih sa članom 2. ove Odluke, rasporedit će se srazmjerno utrošenim sredstvima u 2015. godini za finansiranje:

- izvršenje ugovora sa zdravstvenim ustanovama sa kojima Zavod ima zaključen ugovor,
- izdaci za nabavku lijekova, ortopedskih sprava i pomagala i refundacija naknada plaća,
- plaće, doprinosi, porezi i naknade zaposlenim,
- naknade članovima ljekarskih komisija i Upravnog odbora,
- ostali materijalni troškovi za Stručnu službu,
- kapitalni izdaci i
- ostalo.

Član 4.

U periodu privremenog finansiranja 01.01. do 31.03.2016. godine, u Zavodu zdravstvenog osiguranja Zeničko-dobojskog kantona neće se uvoditi novi kao ni proširivati postojeći programi i aktivnosti, niti vršiti prijem novih zaposlenika u odnosu na broj uposlenika na dan 31.12.2015.

Član 5.

Za izvršenje ove Odluke obavezuje se Direktor Zavoda zdravstvenog osiguranja Zeničko-dobojskog kantona.

Član 6.

Ova odluka stupa na snagu danom donošenja, primjenjuje se od 01.01.2016. godine, a najduže do 31.03.2016. godine.

Broj: 01-100-28-368/15  
Zenica, 22.12. 2015. godine

**DOSTAVLJENO:**

- 1 x Direktor Zavoda,
- 1 x Pomoćnik direktora,
- 2 x Služba za pravne i opće poslove (U.O.),
- 1 x Služba za sprovođenje zdravst.osiguranja  
i analitičko – planske poslove,
- 1 x Služba za finansijsko – računovodstvene poslove,
- 1 x a/a.



PREDSJEDNIK  
UPRAVNOG ODBORA

Jasmin Mahmutović, dipl.pravnik